

ITANGAZO

Guhagarika uruhushya rw'ibikorwa bya Baron Sports Gaming Ltd (Forzza)

Urwego rw'Igihugu Rushinzwe Iterambere (RDB), mu bubasha ruhabwa n'amategeko bwo kugenzura ibikorwa by'imikino y'amahirwe ruratangaza ko ruhagaritse uruhushya rw'ibikorwa by'imikino y'amahirwe rwa **Baron Sports Gaming Ltd (Forzza)**, bikubahirizwa guhera igihe iri tangazo risohokeye.

Iri hagarikwa rireba aho iki kigo gikorera hose, ibikorwa by'abagikorera (agents) n'ibikorwa byacyo bibarizwa kuri murandasi. Iki kigo gisabwe guhita gihagarika ibikorwa byacyo byose mu Rwanda, kikanahagarika kubyamama za hamwe no gukoresha ibyapa byo kwimenyekanisha.

Iri hagarikwa rishingiye ku gusanga iki kigo cyarakoraga ibikorwa bya kazino inshuro zitandukanye bitari mu ruhushya rw'ibikorwa by'imikino y'amahirwe cyahawe. Ibi bikaba binyuranye n'itegeko rigenga ibikorwa by'imikino y'amahirwe.

Kubera iyo mpamvu, abaturage baragirwa inama yo kutitabira ibikorwa by'imikino bya Baron Sports Gaming Ltd (Forzza). Igikorwa icyo ari cyo cyose iki kigo cyakora nyuma y'aho iri tangazo risohokeye, kizafatwa nko kwica amategeko, gikurikirwe n'ibihano bigenwa n'amategeko.

RDB iributsa abahawe impushya z'ibikorwa bijyanye n'imikino y'amahirwe gukora bubahiriza amabwiriza agenga ibyiciro baherewe impushya. Ibikorwa by'imikino y'amahirwe bitatangiwe uruhushya cyangwa ibidafitiwe uburenganzira ntibyemewe. Mu gihe bikozwe hakurikizwa ibiteganywa n'amategeko harimo ibihano byo guhagarikwa kw'ibikorwa cyangwa kwamburwa uruhushya.

RDB ikomeje kwiyeemeza kubungabunga imikorere myiza y'urwego rw'imikino y'amahirwe, ikanakurikirana ko ibikorwa muri iyo mikino byubahiriza amategeko no kurengera abayitabira ndetse n'inyungu z'abaturage.

Bikozwe ku wa : 30 Nyakanga 2026

Urwego rw'Igihugu Rushinzwe Iterambere (RDB)

Ku bindi bisobanuro no gutanga amakuru:

Emeyili: NLGC@rdb.rw